

..... di Brexa è un regno ne dà intrada ducati 100 milia, è stà fidelissimi, e quelli di Chiari no.

Fo longo, ma venuto zoso, sier Antonio Trun procurator savio dil Consejo li andò a risponder, dandoli assa' botte, che per tuor combiato ozi, che l'ense di Consier, li è lecito di dir il tutto; e parlò su la so' parte, et che 'l ben saria che sier Mafo Lion avogador, qual ha intromesso la letera di la Signoria dil 1469, la menasse e non tediàr questo Consejo; e lui volea fusse expediti diti oratori, e chi ha rason la ge sia fata, perchè non si trata di fede di alcun ma a chi se dia cometer, *cum* altre parole, che per non far justicia havemo perso il Stado quasi tutto.

El venuto zoso, sier Antonio Justinian dotor consier volse meter de indusiar. Aduncha andò le parte, tre opinion. 3 fo non sincere di sier Luca Trun et sier Piero da cha' da Pexaro. Fo 61 di Cai, 40 di 77 Trun e Foscarì, 72, dil Justinian consier, di la indusia, 74. *Iterum* balotato, una non sincera, di Cai di XL e do Savii dil Consejo 75, dil Justinian di la indusia 130, e questa fu presa per non esser tempi di tratar queste materie. *Tamen* fo fato contra brexani, e di queste disputazion fate fo comandà grandissima credenza.

Poi fo balotà li nominati Provedador zeneral in terra ferma, et niun passoe, et il scurtinio è questo.

Provedador zeneral in terra ferma, con ducati 120 et con pena.

Sier Andrea Trivixan el cavalier, fo savio dil Consejo, qu. sier Tomà procurator	89.112
Sier Piero Marzello, fo provedador zeneral in campo, qu. sier Jacomo Antonio cavalier	31.168
Sier Alvise Diedo, fo provedador e capitano a Ruigo, qu. sier Francesco dotor	28.182
Sier Bortolo da Mosto, fo capitano a Famagosta, qu. sier Jacomo	33.173
Sier Polo Nani, è capitano a Bergamo, existente apresso lo illustrissimo Governador zeneral, qu. sier Zorzi	55.115
Sier Polo Capello el cavalier, savio dil Consejo	67.141
Sier Lunardo Emo, fo podestà a Verona, qu. sier Zuan el cavalier	97.114
Sier Valerio Marzello, fo savio a Terra	

I Diarii di M. SANUTO. — Tom. XXXI.

ferma, qu. sier Jacomo Antonio cavalier	34.170
Sier Antonio Justinian el dotor, consier	93.115
Sier Zuan Vituri, è podestà a Bergamo, qu. sier Daniel	78.134
Sier Justinian Morexini, fo savio a terra ferma, qu. sier Marco	57.149
Sier Bernardo Marzello, è podestà a Verona, qu. sier Andrea	67.138
Sier Bortolo Contarini, fo consier, qu. sier Polo	71.135

Non. Sier Andrea Gritti procurator, savio dil Consejo.

Da poi fo mandato fuora tutti li Secretarii, excepto quelli entrano nel Consejo di X, et di novo reiterà la strettissima credenza, et si niun è di novo si vadi a dar in nota a li Cai di X, e tuor il juramento. Et andono zercha 12, tra li qual sier Zorzi Corner el cavalier procurator, et sier Francesco el cavalier suo fiol, è stati a Monteforte a parlar al reverendissimo cardinal Corner suo fiol, et fradello, il qual di Verona vene lì e steno insieme alcuni zorni, poi si partino. El qual Cardinal, per esser *etiam* episcopo di Padoa, a di 15 di questo dia far la intrada in Padoa, che più non è stato poi è stà fato vescovo.

El poi Andrea di Franceschi secretario andò a lezer una letera di sier Gasparo Contarini orator nostro, drizata a li Cai di X, data a Guantes, a di 19 Lujo hore 15.

Sumario di letere scrite per Colegio da poi la 78^a creatione dil Serenissimo Principe, dil mexe di Lujo 1521.

A di 7. Fo scritto, Alvise Marin secretario a Milan avisi le zente d'arme sono nel Stado di Milan, e li nomi di condutieri, e per nui non si resta di far ogni provision, far fanti et altro.

A di 8. Fo scritto a Verona, Hanibal di Lenzo capo di balestrieri vengi in questa terra, perchè volemo far cavali lizieri.

Fo scritto al rezimento di Corphù, Antonio Fera-
molin capo di bombardieri fazi venir di qui.

A di 9. Fo scritto a Padoa, che uno Piero Basso albanese, vien a far cavalli lizieri al nome dil Duchà di Ferrara, li lassi far.

A di 9. Fo scritto al podestà di Moncelese, lassi

(1) La carta 77^a è bianca.